

太平寰宇記

第三十八册



太平寰宇記卷之一百五十八

嶺南道二

潮州

恩州

春州

領廢州

藤州

龔州

領廢思州

潮州

潮州

潮陽郡今理海陽縣

亦古閩越地秦屬南海郡秦末屬尉

佗漢初屬南越後屬南海郡東漢因之晉置東官

郡又分置義安郡南越志云義安郡本屬南海郡

後隸東官郡晉義熙八年割立其地與晉安郡接

境吳興餘杭隣界是也歷宋齊因之梁置東楊州

太平寰宇記 卷之二百五十一  
後改爲瀛州及陳而廢隋平陳置潮州煬帝初置  
義安郡唐武德元年復爲潮州天寶元年改爲潮  
陽郡乾元元年復爲潮州

元領縣三

今二

海陽 潮陽

一縣割出

程鄉

州爲梅

州境

東南五百五十里

南北二千三百里

四至八到

西北至東京七千里

西北至西京七千四百里

西北至長安七千六百里

東至漳州七百五十里

西至循州界石場三百里

東至大海一百里

北至虔州雩都縣二千二百里

東南至海口九十里

西南至澧州海豐縣木步鎮六百五十里

西北至虔州安遠縣一千八百里

大平寰宇記 卷之一百五十一  
東北至汀州魚磯鎮六百五十里

元無陸路

戶

唐開元戶一千八百

皇朝戶主客都共五千八百三十一

風俗 同南海

土產

水馬 甲香 鮫魚皮 海桐皮 焦布 干

金鈞藥 烏藥 地黃 煮海為鹽 稻得再熟

蠶亦五收 五子樹 郡國志云潮陽五子樹實如梨有五核治金瘡及霍

亂

鰐魚

嶺表錄異云鰐魚其身土黃色有四足修尾形狀如蠶而舉止趨疾口森鋸齒

往往害人南中之鹿多最懼此物鹿走崖岸上羣鰐號叫其下鹿必怖懼落崖多為所得亦物之相

也攝伏

海陽縣

六鄉

本漢揭陽縣地晉立郡于此按南越志云

海陽縣南十二里即大海東至興寧縣水道八百

里至廣州南二十五里有湖龜靈甲之類 鳳凰

山一名翔鳳山有鳳凰水昔有爰居于此集因名

之山多相思樹中有神形如人被髮迅走山海經

云南方有贛巨人人面長脣黑身有毛反踵見人

笑亦笑笑則脣蔽其面因即逃也郭景純云即梟

陽蓋此也 九侯山 苦竹山 沅山 孱水

懷遠水 分飛水以上邑界之山水也

潮陽縣 西南隔小海 三百里二鄉 本漢晉海陽縣地按南越志云

潮陽窮海之北故曰潮陽縣之南有小水而南流

注于海中多文具可以解毒紫藻朱文即其狀隋

廢縣唐武德六年再置永徽初廢先天初又置

白嶼洲郡國志潮陽白嶼洲亦自海浮來後會稽

人姓丁識之云曾藏銅熨斗于洲上往取果得

侯子山一名龍首山 西豐水有銀石臨水穴中

有銀瓶不可取 曾山多文具可以解毒也 龍



溪山 濁溪山 西衡澤按南越志云義安郡有  
義昭縣昔流人營也義熙元年立爲縣永初元年  
移上郡之西有海寧縣在郡之東六里西接東官

縣界 龍首山龍溪山龍蛇水自此山而出焉又

綏安縣在郡之東一千里海道也東接江洲晉安

縣界北連山數千日月蔽藏昔建德伐木以爲舟

船之處又云綏安縣北有連山昔越王建德伐木

爲船其大千石以童男女三百人牽之旣而船俱

墜于潭時聞附船者有唱喚督進之聲往往有青

牛馳迴船側 梅溪水 房樂水 板溪水 山

都神名形如人而披髮迅走

### 恩州

恩州

恩平郡今理陽江縣

禹貢揚州之分春秋時百越地也秦

屬南海郡漢置爲高涼縣屬交州合浦郡梁大通中爲高州隋置高涼郡唐武德四年平蕭銑置高州都督府管高春羅辯雷崖儋新八州七年割崖儋雷新屬廣州貞觀二十三年廢高州都督府置恩州天寶元年改爲恩平郡乾元元年復爲恩州州內有清海軍管戍兵三千人按投荒錄云恩州爲恩平郡涉海最爲蒸濕當海南五郡泛海路凡

自廣至勤春高潘等七州舊置傳舍此路自廣州  
泛海行數日方登陸前所謂行人憚海波不由傳  
舍故多由新州陸去今此路惟健步出使與遞符  
牒者經過耳既當中五州之要由是頗有廣陵會  
稽賈人船循海東南而至故吳越所產之物不乏  
于斯後唐清泰元年昇爲防禦州皇朝爲刺史州

元領縣三

今一

陽江

二縣廢

恩平

杜陵

以上併入陽江

州境

東西四百里

南北六十里

四至八到

北至東京五千三百二十里

北至西京五千七百五十五里

北至長安取廣韶郴等州路五千九百六十五里

東至廣州海路五百里江路六百五十里陸路七  
百里

西至高州三百里

南至海二十里

北至春州一百里

東南至海晏軍一百一十里

西南至大海無崖

東北至信安縣二百五十里

西北至春州陽春縣九十里

戶

唐開元戶二百七十八

皇朝戶主六百三十四客一百四十六

風俗

與廣州同人以採甲香爲業土地多風少旱耕種

多在洞中

土產

金銀

以上貢

鵝毛鮠

按嶺表錄鵝毛鮠出海畔恩州乃鹽藏鮠魚兒也甚

美其細如毛而白故謂鵝毛鮠

陽江縣

元十鄉今三鄉

隋置縣因邑界陽江為名州舊治恩

平縣唐大順二年經兵寇移州理于此 陽江自

春州陽春縣流來 廢恩平縣東一百五十里舊

九鄉漢合浦郡地隋置海安縣唐武德五年改為

齊安縣至德二年改為恩平去海五十里舊為州

理 廢杜陵縣西北一百二十里舊六鄉隋杜原

縣唐武德五年改爲杜陵去海三十里以上二縣  
皇朝開寶六年廢入陽江 龜龍山在恩平縣西  
南高三百餘丈周迴一百五十里山形似龍下有  
龍穴往往興雨云是龜洲 桃花山山有桃花水  
如武陵者 金雞石在州西北郡國志石上每有  
雞見金色鳴于石上 仙人石在州東北有湖闊  
一里湖北有石云是仙人飛下此石一曰仙人床  
萬安水水側有越王神祠在 羅洲在海口迴  
環三百里在縣西圖經云海中有魚形如鹿每五  
月五日夜悉登岸化爲鹿小于山鹿此洲乃百姓

魚鹽之地也 恩平江自州界平城山流經縣東  
下入新會縣界 望海岡在州南二里其上見海  
岡北有甘泉風俗謂之神井

### 春州

春州

南陵郡今  
理陽春縣

古越地秦取百越爲南海象郡漢爲

合浦郡之高涼縣地晉分置恩平縣隋爲高涼郡  
之陽春縣唐武德四年平蕭銑置春州天寶元年  
改爲南陵郡乾元元年復爲春州皇朝平廣南開  
寶五年廢州以其地隸恩州至六年復置仍併流  
南羅水二縣入陽春一縣又廢勤州之富林入銅



陵一縣來屬從本道轉運使潘美之請也

元領縣四

今一

陽春

三縣廢

流南

新併入陽春

羅水

同

西城

舊廢

廢勤州元領縣二今一

銅陵

一縣廢

富林

併入銅陵

州境

東西二百三十里 南北二百八十里

四至八到

北至東京五千三百里

北至西京五千四百五十里

西北取端州路至長安五千七百里

東至新州二百六十里

西至竇州界三百二十里

南至恩州二百六十里

北至康州四百七十里

東南至南恩州一百七十六里

東北至新州二百一十里

西南至高州二百一十里

西北至康州三百二十里

戶

唐開元戶一萬一千二百一十八

廢勤州開元戶六百八十二

皇朝都其戶主三百九十二客一十三

風俗 同廣州

土產

鍾乳 無絲蠶 蕉葛 石斛 唐時曾進

陽春縣三州所理漢高涼縣地屬合浦郡至隋不改

廢羅水縣西南九十里二鄉天寶末置 廢流

南縣以上二縣皇朝併入陽春 廢流南縣漢臨

允縣地自流南縣與西城縣出十道志舊廢 鵲

山單林洞在郡邑界 鸞山山有鸞逕 長圍石

郡國志云以居人遶之故名 巨石按南越志云

甘東縣二里有巨石焉甘東縣隋分置西城縣此

山有二石室有懸泉飛渚金膏銀燭靈芝玉髓之

異不可具錄金膏者澤如膏銀燭者其光可燭其

石自然成樓臺柱棟石床石池石田制置皆如人

巧父老云此室者仙所以觴百神也而遊獵者每踐藉之其靈稍顯時有白雲芳風朱華此谷輒有鸞鳳之音 石墨郡國志云元嘉中開郡墾得石墨數斛可以書 連石山至于重陽四晦則雞鳴雲中

銅陵縣

東南六十里二鄉

本漢臨允縣地屬合浦郡宋立龍

潭縣隋改爲銅陵以界內有銅山 銅山昔越王

趙佗于此山鑄銅 廢勤州本銅陵郡理銅陵縣

二漢屬合浦郡之高涼縣地唐武德四年置勤州

隸南康總管九年改隸廣州其年廢縣屬春州尋

太平寰宇記 卷之一百五十八  
復置勤州以銅陵來屬仍析置富林 廢富林縣  
在廢州北九十里析銅陵縣置

### 藤州

藤州

感義郡今理鐔津縣鐔音談

隋永平郡唐武德四年置藤州

領永平猛陵安基武林隋建陽安普寧戎城寧人  
涪人大賓賀川十二縣貞觀七年以武林屬龔州  
普寧屬容州八年以猛陵屬梧州十二年以隋建  
屬龔州天寶元年改爲感義郡乾元元年復爲藤  
州皇朝開寶六年移州于大江西岸爲理

元領縣四

今一

鐔津

三縣廢

寧風

感義

義昌

以上併入鐔津

州境

東西一百六十里

南北一百三十里

四至八到

西北至東京六千二百里

西北至西京六千六百里

東北至長安六千八百里

東至梧州二百五十里

太平寰宇記 卷之一百五十八  
西至龔州一百四十里

南至義州二百里

北至舊州改爲龍興縣一百一十里

東南至南儀州界一百六十里

西南至容州陸路二百一十里水路三百二十里  
東北至梧州廬陵縣鄉界一十五里沿流至梧州

一百里

西北至蒙州東區縣界一百四十一里

戶

唐開元戶二千九百八十



皇朝戶主客一千一百四十七

風俗

郡國志云俗以青石為刀劍如銅鐵法婦人亦為環以代珠玉也夷人死死則往往化為羆羆少虎也其初穴棺而出如鼠漸如狗大竝是人肝所感

土產

竹子布

蜜波羅

樹生絕石懸崖間至堅白堪為器

鐔津縣

舊五鄉今六鄉

漢猛陵縣屬蒼梧郡晉置永平郡隋

置藤州及鐔津縣

廢寧風縣在州西一百里

廢感義縣在州南九十里本涓人縣在義江口唐

太平寰宇記 卷之一百五十八

太平寰宇記 卷之一百五十八  
武德改爲感義此縣出秦吉了 廢義昌縣在州

西北五十里本安昌縣唐至德二年改爲義昌以

上三縣皇朝入鐔津縣 靑草縣在大江心 瘴

江俗名濤江自燕州入永平縣 鉛穴山 陳王

穴 吉水皆在郡界 鐔鬱江口在城下出辰州

鐔嶺流經是郡 孤夷郡國志云孤夷獸名也有

兩牙長二寸食人性重人掌蹠得人卽懸之室內

當面鋪坐擊鐘鼓歌舞飲酒稍割而啖之方于農

時獵人以祀田神 龍母廟在州東枕容州江口

龔州

龔州

臨江郡今平南縣

隋永平郡之武林縣唐貞觀三年置

燕州七年移燕州于今州東仍于燕州舊所置龔

州都督府督龔潯蒙賓澄燕七州割藤州之武林

燕州之秦川來屬又立平南西平歸政大同四縣

十二年廢潯州以桂平陵江大賓皇化四縣來屬

其年省秦川入平南省陵江入桂平省歸政入西

平又割藤州之隋建來屬天寶元年改爲臨江郡

乾元元年復爲龔州皇朝開寶六年廢陽川武林

隋建大同四縣入平南一縣又省思明州之平原

縣入武郎隸龔州其思明州廢

太平廣記卷之二十一 百五十八 三

元領縣五 今一

平南

四縣廢

陽川 武林 隋建 大同 以上入平南

廢思明州元領縣二 今一

武郎

一縣廢

平原 併入武郎

州境

東西 缺

南北 缺

四至八到

北至東京五千里

西北至西京四千三百六十一里

西北至長安取梧州路五千七百二十里

東至藤州一百七十五里

西至潯州一百三十里

南至舊繡州九十三里

東南至藤州二百五十三里

北至武仙縣至蒙州三百五十里

西南沿流至潯州一百二十里

西北至象州三百二十五里

東北至藤州一百四十里

戶

唐開元戶九千

皇朝戶主六百一十五客二百五十二

風俗

土產

無

平南縣

舊四鄉

本漢猛陵縣地屬蒼梧郡晉分蒼梧置

永平郡仍置武林縣唐貞觀七年分置平南縣後

自武林移龔州治于此 廢武林縣在縣東南二

十里本猛陵縣地隋分置武林縣屬藤州貞觀七  
年屬龔州 廢隋建縣在縣東南八十里本猛陵  
縣地唐武德中屬藤州貞觀中來屬 廢大同縣  
在縣東七十五里唐貞觀七年置 廢陽川縣在  
縣西北四十里本隋建縣改爲陽川縣以上四縣  
皇朝廢入平南 鷓石 大烏江 盧越皆卽邑  
之山水

武郎縣

舊一鄉  
今二鄉

本屬思唐州

廢平原縣在武郎西

南八十里皇朝開寶五年併入武郎屬龔州仍廢  
州 廢思明州舊名思唐州武郎郡皇朝開寶四

年平南越改爲思明州至是廢入冀州

太平寰宇記卷之一百五十八終



太平寰宇記卷之一百五十九

嶺南道三

韶州

端州

循州

韶州

韶州

始興郡今理曲江縣

禹貢揚州之域春秋戰國時皆楚地

秦屬南海郡二漢屬桂陽郡吳甘露元年于此置

始興郡晉因之宋明帝改爲廣興郡齊高祖復爲

始興梁元帝于郡理置東衡州隋開皇九年平陳

改東衡州爲韶州以州北八十里韶石爲名仍省

始興郡十一年廢韶州以縣屬廣州十二年自南

海移廣州理廢韶州仁壽元年改廣州為番州復  
還治南海縣曲江縣復屬番州三年以番州為南  
海郡唐武德四年平蕭銑復置番州領曲江始興  
樂昌臨瀧良化五縣貞觀元年改為韶州仍割涯  
州之翁源來屬八年廢臨瀧良化二縣天寶元年  
改為始興郡乾元元年復為韶州偽乾和二年割  
湏昌始興二縣置雄州

元領縣六 今三

曲江 樂昌 翁源

一縣廢

仁化

入樂昌

二縣割出

滇昌

始興

入南雄州

州境

東西二百八十五里 南北二百九十五里

四至八到

東北至東京二千九百四十里

西北至西京取郴州路四千一百四十二里

西北至長安取郴州路四千九百三十二里

東至滇陽嶺與南雄州始興縣分界

南至廣州水陸相兼五百三十里

西至連州山路嶮峻五百里

北至當州崑崙鎮與郴□義□縣分界

東南至當州玉湖鎮與英州潁陽縣分界

西南至當州黃土嶺與英州含光縣分界

西北至郴州四百一十里

東北至虔州五百五十里

戶

唐開元戶二萬一千

皇朝戶主九千八百二客九百五十四

風俗同廣州

人物

張九齡韶州曲江人相唐玄宗

土產

蕉布 竹布 石斛 甲香 水馬 鮫魚皮

鼯蛇蛇多鼯故也

曲江縣漢舊縣以瀕水屈曲為名後漢于此置始興

縣本桂陽之南部吳甘露元年于此置縣并郡

錢石山按湘川記云曲江縣東有錢石山其狀四

方有若臺其石三面壁立上有碎石如錢故謂之

錢石山 斜階山斜階水出焉 桂山多菌桂有  
越嶺 玉山山下有廟曾有人得玉璞于此有銀  
山白石山越王山又有浮山其地躡一處則百餘  
步地動 玉山俗名越王山二千石初到皆致虔  
祠水旱祈禱多有應焉 逃石一名靈山本在桂  
陽汝城縣因夜迅雷之變忽然亡之後商人遊此  
識而驚曰此石逃來 林水源處時有紅光狀如  
驚電夜舒也 雲水源有湯泉沸湧每至霜雪其  
上蒸氣高數丈生物投之俄而熟矣泉有細赤魚  
出游莫有獲者 臨水源其山重疊傍有石室室

前盤石上羅列十甕悉貯銀餅山行者取之輒昏  
迷失路昔縣人封驅之奴與伴類採樵遂竊銀餅  
二其伴阻之而奴不從行未數里爲大蛇所螫餘  
人怖懾殆而獲全其夜驅夢神語曰君奴不謹盜  
銀二餅卽以顯戮因驚悟悚悸卽尋奴則奴死銀  
存有徐道覆在郡聞此甚貪而慢之負其氣謂必  
可致因率徒入山欲鳴鼓攻之塗未造半忽震雷  
疾風眾人咸懾于是迄今莫敢取者 曲江以瀕  
水迴曲因以名之 靈鷲山在縣北六里有寺一  
曰虎市山晉義熙中有天竺僧居之而虎乃越峻

嶺一曰林叢鮮茂始興記靈鷲山臺殿宏麗面象  
巧妙嶺南佛寺此爲最也 韶石郡國志云韶州

科斗勞水間有韶石兩石對峙相去一里大小畧  
均有似雙闕永和二年有飛仙衣冠分遊二石上  
昔舜遊登此石奏韶樂因名 芙蓉岡郡國志云

岡之半有石室伏洞深莫可測漢末道士康容得  
仙于此 目嶺水水巖間有石穴如人眼極大瞳  
子白黑分明故名 盧水此水合武水處甚險名  
曰新瀧有太守周昕廟卽始開此瀧者行者放雞  
散米以祈福而忌著濕衣入廟 皇潭潭側有舜



祠昔爲舜遊之處 聖鼓灘舟人以篙撞之卽有

瘧疾 張九齡宅基址在州西二里 書堂在州

南二十五里在上白石內石室臨近大江

樂昌縣

西北一百四十里元九鄉

梁武帝分曲江縣置梁化縣隋

開皇十八年改樂昌縣唐貞觀元年以屬韶州縣

南臨武溪水當郴州往韶州驛 昌山拾遺志云

縣東有山名昌山有石平廣數十步上多竹木交

蔭每至佳節爲士庶嬉遊之所時呼爲樂石今取

山爲縣名 藍豪山泰山在邑界 廢仁化縣在

州北一百一十里本唐垂拱四年分曲江縣置南

臨會湏水又按郡國志云仁化縣有錦石溪里入  
續竹為布皇朝開寶六年併入樂昌縣 三風亭

五渡水皆邑界之古跡也

翁源縣

東南二百八十里元四鄉

梁承聖末廣州刺史蕭勃分湏

陽縣地置按縣南湏水又西南與翁水合又西入

湏陽縣界陳于此置清遠郡隋平陳郡廢 利山

一名甲子山

靈池山池中有石人或藏或見鬚

蒼皓白自號老翁人居此源皆享壽考因名翁水

故曰翁源

端州

端州高要郡今秦屬南海郡兩漢及晉並屬蒼梧郡

宋齊屬南海郡陳置高要郡隋平陳郡廢置端州

取界內端溪為名煬帝初州廢置信安郡唐武德

五年置端州領高要樂城銅陵平興博林五縣其

年以樂城屬康州銅陵屬春州七年置清泰縣貞

觀十三年省博林清泰二縣天寶元年改為高要

郡乾元元年復為端州

元領縣二 今一

高要

一縣廢

卷之二十一 百五十九 六

平興入高要

州境

東西一百五十七里 南北一百三十四里

四至八到

東北至東京五千三百里

西北至西京五千三百里

西北取韶州路至長安六千一十里

東至廣州二百四十里

西水路至康州一百九十六里

南至廣州信安縣一百七十五里

北七里至北山其山重疊中無百姓山北卽是廣州四會縣界

東南水路至廣州新會縣三百八十里

西南至新州一百八十一里

西北至康州四百三十里

東北至廣州四會縣一百八十里

戶

唐開元戶九千五百

皇朝戶主二百二十三客六百二十

風俗

有夷夏人織蕉竹紵麻都落等布以自給

土產

有廚榆子

江東謂之山棗葉似梅九月熟有果子如荔枝及似胡桃

多錦鳥

烏鮫魚

出石硯

高要縣

舊九鄉今八鄉

漢舊縣屬蒼梧郡宋齊屬南海郡陳

置高要郡隋置端州于此

廢平興縣在縣東南

八十里本漢高要縣地宋元嘉十二年置平興縣

唐武德七年分置清泰縣貞觀十三年省清泰入

皇朝開寶五年入高要縣 爛柯山在縣東三十

六里一名斧柯山在峽石南郡國志昔有道士王

質負斧入山採桐爲琴遇赤松子安期先生碁而  
斧柯爛處 奢山在縣南九十里上有砂夷人語

訛爲奢山南有粟此石山有廚榆又多錦鳥烏鮫  
魚又有玄鈞鳥卽鶻鷁也鳴則雨斯須至 嵩臺

在高要縣北五里南越志云高要有石室自生風  
煙南北二門狀如人巧意者以爲神仙之下都因  
名爲嵩臺山中有石燕北海李邕有記鐫石存焉

端溪山吳錄云端州有端溪石山有五色香水

高要峽南越志云郡東有零羊峽一曰高要峽

山高百丈江廣一里華翠之樹四時蔥蒨 新江

在州南五里有水入于灘江甚浚急土人曰新江  
以其源出于新州東南山谷間泝洞而上三日至  
新州爲新興郡之故地度州治所北端州直上可  
十餘里新州接西南道九州當海中五州之咽喉  
雖驛路傍海西去人皆憚海波多不由傳舍雖公  
行亦自便路陸去直達于海濱不復通舟楫州郭  
邑甚微然爲西南道尤好郡也 鵠奔亭干寶搜  
神記云漢九江何敞爲交趾刺史行部至蒼梧高  
要縣暮宿此亭夜未半有一女子從樓下呼曰明  
使君妾冤人也須臾至敞所臥床下跪曰妾本廣



信縣修里人早失父母單無兄弟嫁爲同縣施氏  
妻薄命先死有雜繒百二十疋及婢致富一人妾  
不能自振欲之笏縣賣繒賃牛車一乘載繒妾乘  
車致富執轡至此亭外時日暮行人漸絕不敢復  
進因止此致富時暴腹痛妾之亭長舍乞漿火而  
亭長龔壽操刀來至車傍刺脇下立死又刺致富  
亦死壽掘樓下舍埋妾在下婢在上取財物而去  
殺牛燒車扛及牛骨貯在亭東井中妾冤死痛感  
皇天無所告訴故來自歸于明使君敞曰欲發出  
汝何以爲驗女子曰妾上下著白衣青絲履皆未

朽也妾姓蘇氏名娥願以骸骨歸死夫做乃令吏  
捕壽考問具伏做表壽殺人于常律不致族然壽  
爲惡隱密經年王法所不得治令鬼神自訴千載  
無一請皆斬之以明鬼神以助陰教初掘時有雙  
鵠奔其亭故曰鵠奔亭 騰豻嶺南越志云高要  
縣有騰豻飛獮山翠騰豻沐猴之類也頭正方髮  
長尺餘色類犬似人髮嘗覆面欲有所視輒搖頭  
兩手披開之獮有肉翼如蝙蝠狸頭鼠目一曰鼯  
鼠亦名江牙且飛且產子便隨母而飛其鳴如人  
叫嘗食火煙至聚落則爲災也

循州

循州海豐郡今春秋時為百越之地戰國屬楚秦與

兩漢則南海郡地晉亦然宋屬南海東官永平三

郡地齊因之隋平陳置循州煬帝初州廢置龍川

郡唐武德五年改為循州總管府管循潮二州循

州領歸善河源博羅興寧海豐羅陽貞觀元年省

龍川入歸善石城入河源齊昌入興寧二年廢都

督府天寶元年改為海豐郡乾元元年復為循州

唐末劉鋹割據偽號乾寧元年分歸善博羅海豐

河源四縣為潯州今只領龍川興寧二縣

元領縣六 今二

龍川 興寧

四縣割出

歸善 博羅 海豐 河源以上四縣入滇州

州境

東西一百五十里 南北二百五十里

四至八到

北至東京約五千六百里

西北至西京約五千四百五十里

西北至長安約六千四百里

東至梅州二百六十里

西至英州約七百八十里

南至滇州六百七十六里

北至虔州約一千一百四十七里

東南至潮州七百五十里

西南至滇州六百七十五里

東北至汀州約七百里

西北至韶州九百里

戶

唐開元戶一萬二千

皇朝戶主六千一百一十五客二千二百二十四

風俗

織竹爲布人多蠻獠婦人爲市男子坐家

土產

大小甲香 五色藤香 鮫魚皮 羽則五距碧

雞 越鳥 鸚鵡 果則荔枝 龍眼

龍川縣

元二鄉

舊雷鄉縣廣南劉龔僞號乾亨六年改

爲龍川縣仍移州就縣古趙佗城西接罄山南臨

泃水 罄山在縣西北五里 龍川江舊名泃溪

自虔州安遠縣流至縣界

興寧縣

東一百里二鄉

漢龍川縣地晉元興中置興寧縣治

平源僞漢劉龔移于舊縣西六十里地名長樂卽

今理 左別溪在縣西北從龍川縣界來 右別

溪在縣東六十里二水合流至潮州入海 丞相

嶺在州西四十里循廣二州分水嶺也唐大厯中

宰相常袞除潮州塗經此嶺土人呼爲丞相嶺

太平寰宇記卷之一百五十九終





太平寰宇記卷之一百六十

嶺南道四

滇州

改為惠州

梅州

英州

南雄州

惠州

惠州

理歸善縣

本循州之舊理也廣南偽漢劉龔乾亨元年

移循州雷鄉縣于此置滇州仍割循州之歸善

博羅海豐河源四縣以屬之

領縣四

歸善

海豐

博羅

河源

太平寰宇記 卷之一百六十一  
州境

東西一千六十二里 南北七百七十二里

四至八到

西北至東京水陸四千九百七十里

西北至西京水陸五千七百七十八里

東至梅州九百五十七里

西至廣州四百二里

南至大海一百一十里

北至虔州一千四百九十里

東南至潮州八百三里

西南至廣州東莞縣三百五十里

東北至虔州一千四百九十里

西北至廣州增城縣一百七十七里

戶

舊戶在循州籍

皇朝戶 缺

風俗 同廣州

土產

羅浮山柑子 藤花箱 珠母 大甲香 舊貢

歸善縣 依舊二鄉 秦漢龍川縣地屬南海郡昔趙佗為龍

川尉所蒞于此宋置歸善縣唐貞觀九年省龍川縣入寅山南越志云攸業縣北有寅山青松紫幹四衢皆竦其下多茯苓焉歲山趙王祠皆在邑界鰐池池中多鰐魚因以為名

海豐縣

東南四百九十三里二鄉

漢舊縣屬東官郡南海在海豐

縣南五十里唐武德五年分置陸安縣貞觀初併入龍山在縣南大海之上嘗有黑龍藏于山穴

時興雲雨騰翔海水故曰龍山南海側海寓連

雲多鯨鯢其大吞舟大者數千里小者亦千里去

海門猶一二里漁人往往見之又馬援伐林邑于

海嶼上得鯨頭骨如數百斛岡頂上一孔大于壑  
俗以爲珠穴又云多決明石又有醋魚南越謂爲  
壞雷魚其大一丈子朝出食夜則宿其母腹常從  
臍中入口中出腹裏有兩洞貯水以養其子一腹  
容兩子兩腹則四子居焉風驚浪湧亦還也又有  
鋸魚南越謂之狼籍魚身長二丈口長六尺廣三  
寸左右生齒如鐵鋸又鮐音肺魚大如指長八寸惟  
有脊骨美滑宜羹如湯餅也又黃雀魚嘗以八月  
化爲黃雀到十月後入海化爲魚又有巨龜其大  
不知幾千里今渡海往往見巨龜在沙嶼閒背上

生樹木如洲島昔有商者或依以採薪及作食龜  
 覺熱便入海于是死者輒數十人然後知為龜也  
 又越王筭如筭大正白長尺餘生海邊沙中有穴  
 附外如蒲藜狀如去外穴骨便中為筭也又有土  
 肉正黑大如小兒臂長四五寸中有腹無口目有  
 三十足如筭簪之形 南山勞梗溪靈泉溪

博羅縣

西北四十里四鄉

漢舊縣按南越志云博羅縣去浮

山接境于羅山故曰博羅東接龍川南接西平西

接增城縣界 羅浮山南越志云增城縣東有羅

浮山浮水出焉是為浮山與羅山並體故曰羅浮

非羽化莫有登其極者嶮尖之峯四百四十有二  
因歸于羅山則三峯爭竦各五六千仞其穴溟然  
莫測其極北通句曲之山卽茅君內傳云第七洞  
名朱明耀真之天璿房瑤室七十有二岷嶸穹窿  
自然雲構第三十一嶺半是巨竹皆七八圍節長  
二丈謂之龍鍾竹鳳凰食其實沙門釋智玄遊此  
山得叩竹以爲杖泉源之府九百八十有三飛泉  
引鏡懸波委源窮幽極響百籟虛鳴徐道覆羅浮  
山記云山在增城博羅二縣之界仙客羽人是焉  
遊幸有七十二長溪山上有洞中有白鵝羅山在

浮山西南合于博羅山是茲境舊云浮山從會稽  
流來今浮山上猶有東方草木又有翁翠五距越  
王山雞又有玳瑁山山下有池池出玳瑁因以名  
之又有石樓峩峩渺然在雲中一曰石樓峯又袁  
彥伯羅浮記云嘗有一沙門詣南海太守袁彥伯  
云當還羅山請一小吏提錫鉢袁乃給之小吏旣  
去恍惚不覺有舟車但聞足下有波浪聲奄忽便  
至一山見數道士設食飯皆青色如珠屑食畢以  
餘與之雖不甚美殊有香潤又云葛洪字稚川句  
容人也譙國人稽含嘗爲廣州乃請洪參廣州軍



事洪求先行到廣州而舍于此遇害洪還留廣州  
乃憩于此山咸和初司徒王遵補州主簿轉司徒  
掾遷諮議參軍干寶荐洪才器宜掌國史當選入  
著作洪固辭不就以年老欲煉丹自衛聞交趾出  
丹砂乃求勾漏縣于是選焉遂將子姪俱行至廣  
州刺史鄧岱以丹砂可致請留之洪遂復入此山  
鍊神丹在此山積年忽與岱書云當遠行尋師藥  
刻期當去岱疑其異便狼狽往別既至而洪已亡  
時年六十一觀其顏色如平生體亦柔軟舉屍入  
棺甚輕如空衣然也

河源縣北水陸三百五十里依舊二鄉漢龍川縣地循江一名河源

水自虔州雩都縣入龍川在河源縣有龍穿地而

出即水流也漢因置龍川縣隋置河源縣唐貞觀

元年省西城縣入 穴山南越志云河源縣北有

龍穴山聯巖互地疊嶂分天嘗有五色龍乘雲出

入此穴漢書云龍川縣有龍穴是也 牛嶺山南

越志羅浮左帶牛嶺山右據尾山 牛鼻山南越

志牛鼻山去赤岸四十里西有夫廬山有湖冬夏

盈每至甲戌日嘗聞歌管鞞鼓之音 霍山山上

有靈龕寺興寧寺山有鳥大如燕似鷓鴣銜泥點

石爲巢蜂隨後結房 黑龍山山有獺窠 淡溪  
南越志云西有淡溪溪中竦石號曰石亭北有古  
遼岡石溪之鄉有山曰營岡岡之澗嘗有銅弩牙  
流出父老云昔趙佗弩營在此也若有人取此弩  
牙卽風雨敗之舟船淪沒 石溪鄉有介然孤石  
名越王闕下有石鑊可容數十斛恆有懸注而竟  
不溢 三合樹投荒錄云相思亭有木葳樹檄欒  
樹黃支樹此樹獨根大十圍去地二丈爲三支號  
曰三合樹

梅州

梅州理程鄉縣本潮州程鄉縣廣南僞漢乾和三年昇為

敬州仍領程鄉縣皇朝開寶四年平廣南以名犯

國諱改為梅州

領縣一

程鄉

州境

東西二百三十八里 南北二百一十里

四至圖經上無入到

北至東京七千里

北至西京七千四百里

東至潮州三百二十里

南至潮州三百里

西至循州二百三十九里

北至廣州九百九十八里

北至虔州七百二十里

戶

舊戶屬潮州籍

皇朝戶主一千二百一客三百六十七

風俗

同南海

土產

山蕉 竹布

程鄉縣

依舊三鄉

隋縣在程江之口以江為名

惡水即

州前大江東流至潮州出海其水險惡多損舟船

水中鱷魚遇江水泛漲之時隨水至州前嶺表異

錄云能食鹿者即此也

英州

英州

理瀆陽縣

本廣州瀆陽縣地有瀆陽之水注于瀆陽

峽漢舊縣梁改為東衡州隋開皇十五年廢州為

瀆陽縣屬涇州廣南偽漢乾和五年于此置英州

皇朝開寶六年割滄光縣來屬

領縣二

滇陽 洽光

州境

東西四百七十里 南北三百八十里

四至八到

新置州圖經上未有至兩京里數

東至滇州河源縣分水嶺三百里

西至連州陽山縣界一百七十里

南至 缺

北至韶州銀岡驛八十五里

九平寰宇記 卷之一百六十一  
東北至韶州翁源縣一百四十五里

東南八十里大驛路下至廣州上至韶州其路有

風門嶺險不通鞍馬

戶

舊戶在廣州籍

皇朝戶主四千三百八十七客五百九十二

風俗同廣州

土產同廣州

滇陽縣依舊本漢舊縣屬桂陽郡隋為真陽縣五年

屬涯州唐貞觀初州廢改真陽為滇陽屬廣州以



滇山爲名 貞子山在縣北三十里

滄光縣

依舊四鄉

漢縣屬桂陽郡地有滄浦唐武德五年

置滄州領滄滙翁源真陽三縣貞觀元年廢以翁

源屬韶州滄滙真陽屬廣州 堯山在縣東四十

五里四面有瀑布泉傾瀉萬丈 古衡州城在崇

善鄉界縣西百步梁天監七年置隋開皇十年廢

### 南雄州

南雄州

理滇昌縣

本始興郡滇昌縣地廣南僞漢乾和四

年于此置雄州仍割滇昌始興二縣以屬焉皇朝

以北有雄州此加南字

領縣二

滇昌 始興

州境

東西一百一十五里 南北九十里

四至八到

西北至東京三千五百三十里

至西京長安圖經上未有里數

東至虔州信豐縣界一百二十里

西至韶州曲江縣界七十五里

南至韶州翁源縣桂嶺爲界一百七十五里

北至虔州大庾嶺八十二里

東南至虔州界一百二十八里

西南至韶州曲江縣界一百二十里

東北至虔州界八十二里

西北至韶州舊仁化縣界二百二十里

戶

縣戶舊屬韶州

皇朝戶主七千七百三十八客六百二十五

風俗

同韶州

土產

出嫩石

可以為鍋釜

單竹練

為麻可為布

滇昌縣

舊四鄉今三鄉

本韶州始興縣地唐文明元年割始

興化南橫山二鄉為滇昌縣在庾嶺下以水為名

廣州偽命建雄州此縣屬焉

滇水源從虔州信

豐縣分流東合大庾嶺銀岡水流入縣界至韶州

合始興樂昌水入海 大庾嶺在縣北九十里

鱧水在縣西十里源出上陵江春多鱧魚因名鱧

水 樓船水在縣北五十里出大庾嶺之西傍嶺

橫流因名樓船水

始興縣

東北一百里依舊四鄉

本漢南海縣地吳置始興縣梁

于此置安遠郡隋平陳郡廢縣仍隸韶州西七里  
有蕭齊正階故縣城存 大庾嶺在縣北五十六

里按南越志云始興去州二百里東接番禺南接  
永熙初亭西接高要北接始興中宿等縣界牛鼻  
之山去赤岸四十里西有夫盧山有湖冬夏恆盈  
每至甲戌日嘗聞歌管鞞鼓之聲 鼻天子故城  
鼻天子未聞也 鼻天子墓相傳云昔有人開之  
見銅人數十擁笏立侍器飾悉是金銀俄聞冢內  
擊鼓大叫震動山谷竟無所取懼而返聞日重往  
已自復矣地出鉛銅銅有毒鉛可以爲藥 修仁

太平寰宇記 卷之一百六十  
水源出始興縣東北東橋山西面入鱧水此水北  
有三楓亭又有五渡水齊時范雲爲始興守至修  
仁水酌而飲之因賦詩云三楓何習習五渡宜悠  
悠且飲修仁水不挹邪渚流又有邪渚正渚二水  
源出始興郡

太平寰宇記卷之一百六十終

太平寰宇記卷之一百六十一

嶺南道五

賀州

高州 領廢  
潘州

賀州

賀州

臨賀郡今  
理臨賀縣

禹貢荊州之域春秋時通為越地七

國時為楚地秦始皇三十年置南海郡即其地也

秦末趙佗王南越其地屬焉漢武帝元鼎六年平

南越置蒼梧郡屬交州今州即蒼梧郡之臨賀縣

吳黃武五年割蒼梧郡封陽臨賀焉乘富川蕩山

桂嶺等六縣為臨賀郡晉因之宋文帝改為臨慶

國齊復爲臨賀郡陳因之隋平陳置賀州煬帝改爲臨賀郡唐武德四年平蕭銑復置賀州天寶元年改爲臨賀郡乾元元年復爲賀州

元領縣六

今三

臨賀 富川 桂嶺

三縣廢

蕩山

入臨賀

封陽

入臨賀

馮乘

入富川

州境

東西三百三十里

南北五百七十里

四至八到



東北至東京三千一百六十里

西北至西京三千五百七十二里

西北至長安四千一百九十二里

東至連州三百六十六里

南至封州三百六十一里

西至昭州龍平縣三百六里

北至道州三百四十五里

東南至廣州八百七十五里

西南至梧州四百一十二里

西北至桂州五百六十里

九平寰宇記 卷之一百六十一 二  
東北至永州隔山嶺無路

戶

唐開元戶四千五百

皇朝戶主四千六百九十七客一千七百六十二

風俗

俗重鬼嘗以雞骨卜漢書云越巫以雞骨卜有草

名冠脫高一丈葉如荷而莖中有瓢音穰又俗多構

木爲巢以避瘴氣豪渠皆鳴金鼎食所居謂之柵

節會則鳴銅鼓大者廣一丈小者三四尺好吹匏

笙俚人削筋竹爲箭以葉羽之名曰圭黎

土產

黎母汁二餅開寶四年準宣旨進 蚶蜆膽貢

千金藤葉 白蠟 山鍾乳有五穴 五茄穴在臨

賀縣 靡無穴 白鷲穴 秦穴 雷震穴在富川縣

蠙蠙大障山都貴源出蠙蠙夷人取血以解毒蠙蠙音資攜大龜也 龍鳳花紋

簞新貢

臨賀縣舊五鄉今二鄉 本漢縣因縣置郡以邑內臨水賀水

為縣名皇朝開寶四年廢蕩山封陽二縣並寶城

場入縣 臯亭屯按荊州記云臯亭屯有青石方

三丈許石上有磨刀斧跡春夏明淨有新磨處秋

太平廣記 卷之六十一 三

冬漸生苔穢傳云是雷公磨霹靂 大竹盛弘之

荊州記云臨賀山中有二竹大數十圍有磐石徑

四五丈方正青滑如彈棊局兩竹屈垂拂掃石上

絕無塵穢未至數十里聞風吹如笙簫之音 巢

竹地土有巢竹叢生如大戟堅中俚人以爲矛

斨竹有毒人以爲弧刺虎中之則死 幽山在縣

西十里南接蒼梧北通道州山上有古度木實大

如珠結成後數日化蟲飛去 臨水源出馮乘縣

西北靈山下南流至縣界 溫泉去縣東北四十

五里源出劣下山半巖石壁中出泉三道一道水

熱一道水冷一道水溫其泉石各有眼五十步作

二舍引流熱泉治瘡痍並西流入于錫溪 錫溪

水在縣東北四十五里源出錫山其水清冷人久

飲則損腰腳今土人多患跛躄 廢蕩山縣在州

西一百七十里隋大業二年廢臨賀郡置綏越縣

屬始安郡續又改綏越縣爲蕩山縣因界內有蕩

山爲名皇朝廢入臨賀縣爲招賢鄉 早山在縣

南四十里高一千餘丈周迴三百里其山春前花

卉競發朝陽早見俗呼爲早山 蕩山 祥山二

山孤峙並無連互 祥溪水出于祥山 廢封陽

縣在州南一百四十里漢舊縣屬蒼梧郡在封水之陽因為縣名皇朝廢入臨賀縣為信都鄉 長

林山在東北三十五里高五百丈周迴七百里多橄欖樹似訶黎勒食之甘脆 龍水封陽有隄陂

龍水深百尋大魚自擲登此門者化為龍不過者曝腮點額 廢寶城場古劣下場改名寶城場出

白蠟二萬九千觔今併入臨賀縣為溫泉鄉也 富川縣 西北一百里元二鄉今三鄉 輿地志云漢舊縣屬蒼梧郡

吳黃武五年改為臨賀郡縣有富水因為縣名皇朝割馮乘縣入縣額 富水在縣西四十里源出

浮蓋山下南流入富州思勳縣其水灌注田疇居  
入豐贍因名富水 廢馮乘縣在州北一百二十  
里漢舊縣屬蒼梧郡隋大業二年隸零陵郡皇甫  
謐云舜葬蒼梧九疑山在馮乘縣東與道州營道  
縣接境皇朝廢入富川縣 秦山在縣北三十里  
高二千餘丈南接富川北連道州吳孫權未立時  
此山夜忽聞有雷聲因開六洞南北可數十里出  
水其中有石鼓石柱石壇 仙溪水在縣南十里  
源出靈山此溪石上多菖蒲傳云仙人所種飲此  
水者可獲長壽

桂嶺縣

東北八十二里元二鄉

輿地志云隋開皇九年東萊公

王景巡撫分興安爲二縣西爲桂嶺縣屬臨賀郡

桂嶺山在縣東北一百五里高三千餘丈東接

連州北連道州山有桂竹桂木 越王渡在縣南

二十七里賀水邊有石平正丈餘長有履迹各長

九寸相傳爲越王渡按荊州記云賀水邊石上有

石櫛石履俗云昔越王渡水脫履墮櫛于此二物

今猶見在 歌山馮乘有老人少不婚娶善于謳

歌聞者涕流及病將死鄰人送到此老人歌以送

之餘聲滿谷數日不絕 蕪城池湟中頗出珠玉



寶器卽尉佗拒防之所 黎狸之品類也 有  
囊狸卵生大如狗屯狸黃狸長五六尺其聲自號  
一曰雞狸 狎狸能緣木食果子色黃 雷狸聲  
自號色黃蒼 掘螺狸口尖能取螺食 狗狸狀  
如狗尾大如斗在草中吠人 通額狸黃黑色而  
首白如脂從鼻上通額中入頭上 豨狸如猪  
嚶狸色青黃聲嚶嚶聞數里一體自有雌雄而牝  
牡自給其香如麝自歌山已下皆郡內之事也

高州

高州

高涼郡今理電白縣

秦已前土地與晉康郡同一漢屬合

浦郡吳置高涼郡又立高興郡晉亦如之其後悉  
并于高涼齊亦爲高涼郡兼置高州隋平陳郡廢  
而州存煬帝初州廢屬高涼永熙二郡地唐武德  
初復置高州貞觀二十三年分西平杜陵置恩州  
高州移治良德縣天寶元年改爲高涼郡乾元元  
年復爲高州按投荒錄云高涼郡土厚而山環遶  
高而稍涼故以爲名大厯十一年以良德縣川原  
險狹不通舟楫移州于電白縣皇朝開寶五年并  
良德保定二縣入電白縣仍廢潘州以潘州南巴  
潘水二縣并入茂名縣來屬

元領縣三

今一

電白

二縣廢

良德

保定

已上並入電白

廢潘州元領縣三

今一

茂名

二縣廢

南巴

潘水

已上入茂名

州境

東西二百四十里

南北一百六十里

太平寰宇記 卷之一百六十一  
四至八到

北至東京五千二百六十里

北至西京五千五百二十里

西北至長安六千二百六十二里

東至廣州一千二百里

西至竇州九十里

南至化州三百四十里

北至廢瀧州一百七十里

東北至春州三百四十里

西南至化州一百五十里

西北至竇州一百里

西南至廢潘州八十五里

戶

高州唐開元戶五千八百五十二

廢潘州天寶戶四千三百

皇朝兩州合爲兩縣管戶主二千四百九十四

風俗

其俗生時布衣不充死則盡財殯送父子別業兄弟異財無故帶刀持矛執劍相侵則鳴春堂集子弟和則殺牛市則二日一合

人物

唐高力士

潘州人爲驃騎大將軍封齊國公

土產

高州果下牛高二尺

驃馬牛尾

蚶蛇膽

貢

孔雀

高良薑

益智子

電白縣

元四鄉今三鄉

梁置電白郡隋爲縣

廢良德縣在

舊州西北三十七里漢合浦縣地屬合浦郡吳置

高涼郡宋齊不改

廢保定縣在舊州東二百二

十五里舊保安縣唐至德二年改爲保定已上二

縣皇朝併入電白縣

茶山南越志滇陽縣北五

里有茶山山有熱泉源自沸湧卉服竄之不沾王  
化百姓荒居昔有俚監牧牛于野一牛歛音隨隨而

舐之舉體白淨如洗屑也旬日而殞其牛竟爲人  
殺而噉之者百許人一日俱變而成獸吼喚驚懼  
各走入山初尙有衣裳形未甚異時知還家後性  
狀稍改遂不復歸由是羣黨相逐連城爲患今獮  
似猩猩而小于獸或能化爲人形隨復化爲獸謂  
之獮卽此類也 帽澇山在廢良德縣界北至州  
三十九里當亢陽山有雲如帽卽雨山下卽帽澇  
之水出焉 巨海南越志平定縣界東有巨海鳴

波浩蕩出驃馬似馬而牛尾一角水犀似牛魚似龍一曰龍鯉又云宋康郡化隆縣海高多珠鼈狀如肺有四眼六腳而吐珠又有文魮及鹿魚文魮魚鳥頭魚尾鳴如磬而生玉 射狼山在良德縣界去州十里古老相傳人射狼于此 高涼山在良德縣去州十里 射潤山 甘遠山在保寧縣界去州一百二十里兩山相對雲雨連接以潤爲名 射賴岡在電白縣界去州二十里 波浪山在良德縣界去州七十里岡巖如波浪古老相傳海沫漂成 射合山岡在保寧縣界去州二十六



里 帽澗水出帽澗山下 衛韋水在良德縣界

進田水在良德縣界 快蛇水在保寧縣界

海水在保寧縣界南十里接恩州 馮家村馮盜

卽此界人也 洗氏墓高涼人乳長七尺

茂名縣

西南八十五里  
舊五鄉今三鄉

古西甌駱越地秦屬桂林郡

漢爲合浦郡之地隋置定川縣唐武德四年平嶺  
表于縣置南宕州後改爲潘州仍改縣爲茂名以  
道士潘茂姓名爲縣名也梁開平元年改爲越裳  
縣後唐同光初復舊皇朝開寶五年廢潘州以本  
州南巴潘水二縣并入茂名割屬高州 廢潘州

本南潘郡治茂名縣秦屬象郡二漢屬合浦郡唐武德四年置南宕州領南昌定川陸川思城温水宕川六縣治南昌縣貞觀六年移理定川八年改爲潘州仍廢思城縣天寶元年改爲南潘郡乾元元年復爲潘州按嶺表記潘州因道士潘茂昇仙遂以姓名爲郡縣之稱 潘山在縣東三十里其山昔有潘茂于此煉丹昇仙乃以爲山名 仙山在縣西南二百步隔水亦潘茂煉丹之所今有昇真觀 霧嶺岡在縣南五里其山下有湖水方廣二里天寶二年因大風雨湖心忽涌出小洲至今

生草木 思乾井在縣東一里潘真人煉丹之水  
味甚香美煎茶試之與諸水異高力士奏取其水  
歸朝 高力士宅墓在縣西二百四十步力士茂  
名縣人也 廢南巴縣在縣東一百里隋廢縣唐  
武德五年取縣東一百里南巴山爲名 廢潘水  
縣唐武德五年分置以縣界水爲名 浮山其山  
高七百尺堯時洪水泛溢此山獨浮人居山上得  
免沈墊人呼爲浮山 馮盎墓在舊縣東南十五  
里有碑云馮府君之墓 毛山在舊縣東二十里  
古老相傳云昔有毛女隱此因以爲名 玄宗聖

容按郡志故右衛大將軍高力士舊鄉郡有驃騎館相傳皆因力士之名開元年中天下鑄聖像郡皆一而潘獨二力士以其本鄉故自鑄其一也

校勘

賀州

總序

吳黃武五年割蒼梧郡封陽臨賀馮乘富川蕩山桂嶺等六縣為臨賀郡

按今記蕩山桂嶺皆隋所改置黃武中不應已有蕩山桂嶺之名當時割其地而追

錄之爾

隋平陳置賀州煬帝改爲臨賀郡唐武德四  
年平蕭銑復置賀州

按隋書地理志始安郡富川縣舊置臨賀  
郡平陳郡廢置賀州大業初州廢又廢臨  
賀綏越蕩山三縣入富川詳此則煬帝但  
廢賀州及臨賀縣初無改爲臨賀郡之文  
又今記序廢蕩山縣亦云大業二年廢臨  
賀郡州序所載蓋脫誤也

### 風俗

有草名冠脫

太平寰宇記卷之一百六十一  
按爾雅名活菟恐古今語誤耳  
菟音奪

### 臨賀縣

廢蕩山縣 隋大業二年廢臨賀郡置綏越縣屬始安郡又改綏越縣爲蕩山縣

按隋志賀州及臨賀綏越蕩山三縣大業初皆廢入富川縣今云廢郡置綏越恐誤又蕩山及綏越乃兩邑同時皆廢今云改綏越爲蕩山亦誤又按新唐書地理志蕩山天寶後置是隋已廢至唐復立後更廢也今記亦闕不載

桂嶺縣 總序

隋開皇九年分興安爲二縣西爲桂嶺縣

按隋志桂嶺縣舊曰興安開皇十八年改名焉今云分爲二縣或恐旣分而又合爲一史但據改名之歲併書之耳當考

太平寰宇記卷之一百六十一終